

CONVÈNI DE COOPERACION ENTRE ER AJUNTAMENT DE VIELHA E MIJARAN E ERA ENTITAT MUNICIPAU DESCENTRALIZADA D'ESCUNHAU E CASARILH

Vielha, 20 de junhsèga de 2018

AMASSADI

D'ua part,

Eth Sr. Juan Antonio Serrano Iglesias, Alcalde der Ajuntament de Vielha e Mijaran, en tot actuar en nòm e representacion deth madeish, en ús des facultats que l'autreje er article 53 deth Decrèt legislatiu 2/2003, de 28 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, e facultat exprèssament entad aguest acte mejançant acòrd dera Junta de Govèrn Locau en session de data 19 de junhsèga de 2018.

Der auta part,

Eth Sr. José María Vergés Moga, President dera EMD d'Escunhau e Casarilh, en tot actuar en nòm e representacion dera madeisha.

Andús assistidi pera Secretària Municipau Sra. Pilar Hervada Vidal, era quau da fe der acte.

EXPAUSEN:

1.- D'acòrd damb çò qu'establís er article 82 deth Decrèt Legislatiu 2/2003, de 28 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, son competències des Entitats Municipaus Descentralizadas:

- a) Era vigilància des bens d'usatge public e des comunaus.
- b) Era conservacion e administracion deth sòn patrimòni, includit eth forestau, e era regulacion deth profitament des sòns bens comunaus.
- c) Er enlumenat public e era neteja viària.
- d) Era execucion d'òbres e era prestacion de servicis de competència municipau d'interès exclusiu dera entitat, que non son a càrrec deth municipi respectiu o dera comarca.
- e) Era ordenacion deth trànsit de veïculs e de persones en sòn àmbit.
- f) Era conservacion e eth manteniment des parcs e jardins e deth patrimòni istoric e artístic deth sòn àmbit.
- g) Es activitats culturaus e esportives directament vinculades ara entitat.

D'aguestes competències numentades mes ensús:

- Era vigilància des bens d'usatge public e des comunaus.
- Er enlumenat public e era neteja viària.
- Era ordenacion deth trànsit de veïculs e de persones en sòn àmbit.

Les execute er Ajuntament de Vielha e Mijaran.

2.- Er article 83.5 deth Decrèt Legislatiu 2/2003, de 28 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, establís qu'era entitat municipau descentralizada a de contribuïr as càrregues generaus deth municipi ena forma e proporcion que

determine era legislacion de finances locals, sense perjudici dera participacion dera entitat enes ingrèssi der ajuntament.

3.- Bèra ua d'aguestes competéncies abantes relacionades les ven finançant er Ajuntament de Vielha e Mijaran, coma ei er enlumenat public e era neteja viària, era ordenacion deth trànsit de veïculs e era conservacion e eth manteniment des zònes verdes publiques.

4.- Qu'entara financiacion dera rèsta de competéncies era Entitat Municipau Descentralizada d'Escunhau e Casarilh non dispausa de suficients recorsi pròpris.

5.- Qu'er Ajuntament de Vielha e Mijaran desire cooperar ena financiacion deth pressupòst der exercici der an 2018 damb era aportacion de recorsi municipaus.

Auent en compde çò que ditz er article 144 c) del Decrèt Legislatiu 2/2003, de 28 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, es parts formalizen eth present Convèni cossent damb es següentes

CLAUSULES

Prumèra.- Objècte

Era EMD d'Escunhau e Casarilh se compromet a qu'era aportacion recebuda der Ajuntament de Vielha e Mijaran non serà utilizada entà finançar cap tipe de despena que provengue dera celebracion de hèstes populars.

Aguest convèni a per objècte definir eth marc de cooperacion entre er Ajuntament de Vielha e Mijaran e era EMD d'Escunhau e Casarilh entara participacion dera entitat enes ingrèssi der Ajuntament.

Dusau.- Naturalesa

Eth present convèni de cooperacion a naturalesa administratiua e regís ena sua interpretacion e desenvolopament er ordenament juridic administratiu, damb exprèssa somission des parts ara jurisdiccion contenciosa-administratiua.

Tresau.- Compromisi e obligacions dera EMD

A mèa a mèa des obligacions fixades pera normativa d'aplicacion, era EMD d'Escunhau e Casarilh se compromet a aportar tota era documentacion que li sigue requerida per Ajuntament de Vielha e Mijaran entara comprobacion e contròtle financer des actuacions realizades, cossent damb era article 14.c) dera Lei 38/2003 Generau de Subvencions, de 17 de noveme.

Entà auer controlat er estat des vies publiques ena sason d'iuèrn era EMD se compromet a autorizar era colocacion de cameres web que poderan facilitar as empleats publics encargadi deth servici dera neteja de nheu, era informacion que sigue de besonh a trauès d'internet.

Quatau.- Compromisi e obligacions der Ajuntament de Vielha e Mijaran

Er Ajuntament de Vielha e Mijaran, cossent damb era finauetat expausada enes clausules anteriores, entregará ara EMD d'Escunhau e Casarilh era quantitat de 11.946,23 € (Onze mil

nau-cents quaranta-sies èuros damb vint-e-tres cèntims) damb cargue ara partida 2018-1-94200-46800-01 deth pressupòst municipau.

Cincau.- Protocòus addicionaus

Totes aqueres qüestions que se poguen plantejar en un futur e que non agen estat previstes en convèni, atau coma d'auti espèctes concrets que se poguen plantejar en relacion demb aquest convèni de cooperacion se determinaràn enes corresponents protocòus addicionaus a soscrúer pes parts.

Siesau.- Vigéncia

Eth present convèni entrarà en vigor eth dia dera sua signatura e sonque aurà vigéncia entar exercici de 2018.

Setau.- Es parts signatàries d'aquest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

Ueitalu.- Interpretacion e causes de resolucio

En cas de què quauqua des parts, dauant d'ua circumstància non prevista, considerèsse de besonh introdusir bèra modificacion en aquerò que s'a convengut, ac meterà en coneishement immediatament dera auta part entà establir d'acòrd mutuau era solucio mès adienta.

Seràn causes de resolucio d'aquest convèni es següents:

- Er acòrd mutuau des parts signantes que s'expressarà per escrit.
- Era denúncia formulada per bèra ua des parts.
- Era impossibilitat susvenguda, legau o materiau, de dar compliment as sues clausules.
- Er incompliment, per quinsvolha des sues parts, des compromissi o obligacions assumits en madeish.
- Es causes generaus establides ena legislacion vigenta.

E en pròva de conformitat, es parts signen aquest convèni per exemplar duplicat e a un solet efècte, en lòc e data remercats en començament.

Er Alcalde der Ajuntament
de Vielha e Mijaran

Eth President dera Entitat
Municipau Descentralizada
d'Escunhau e Casarilh

Deuant men,
Era Secretària

Juan Antonio Serrano Iglesias

José M^a Vergés Moga

Pilar Hervada Vidal